



REPUBLIKA E KOSOVËS
 REPUBLIKA KOSOVA - REPUBLIC OF KOSOVA
 KOMUNA JUNIK
 OPŠTINA JUNIK – MUNICIPALITY OF JUNIK



REFERENC-Ë:	Numër 02-05/26
PËR/ZA/TO:	Anëtarët e Kuvendit Komunal Junik
NGA/OD/FROM	Leonard Lllolluni - Kryesues i Kuvendit Komunal Junik
DATË/A	29.05.2026
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL

Me rastin e mbajtjes së mbledhjes së pestë (5), të Kuvendit të Komunës së Junikut, me datë: 29.05.2026, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Leonard Lllolluni: i cili në fillim përshëndeti të gjithë të pranishmit në sallë, më pas e konstatoi se prezent ne sallën e kuvendit janë 14 anëtarët e Kuvendit të Komunës së Junikut.

Anëtarët prezent:

1. Leonard Lllolluni-Kryesues, AAK
2. Bedrush Hoxha-anëtar, LDK
3. Litafete Isufaj-anëtare, LDK
4. Shpejtim Gacaferi- anëtar, LDK
5. Sadri Krasniqi- anëtar, LDK
6. Floris Miroci-anëtar, LDK
7. Blerta Sylja-anëtare, LDK
8. Burim Kuçi-anëtar, AAK
9. Ajshe Gacaferi-anëtare, AAK
10. Aldi Gacaferi-anëtar, AAK
11. Arlinda Pepshi-anëtare, AAK
12. Alfred Gaxherri-anëtar, AAK
13. Jetmir Tofaj-anëtar, LVV
14. Elsa Hima-anëtare, LVV

15. Lulzim Gacaferi-anëtar, LVV (Mungon)

Rendi i ditës i paraparë

1. Shqyrtimi dhe Miratimi i Procesverbalit nga mbledhja e kaluar,
2. Informatë mbi Zhvillimin e Turizmit në Komunën e Junikut,
3. Informatë lidhur me Qarkoren Buxhetore 2027/29,
4. Njoftim mbi Raportin e Përformancës për vitin 2024,
5. Raporti i Planit të Intergritetit,
6. Shqyrtimi dhe Miratimi i Inicimit të Procedurave për Plotësim-Ndryshimin e Rregullores për Kushte, Kriteret dhe Procedurat e Ndarjes së Subvencioneve,
7. Të ndryshme

z.Jetmir Tofaj, përshëndetje për të gjithë, para se të kalojmë tek rendi i ditës, unë propozoj që të mbajmë një minutë heshtje në nderë dhe veprimtarisë të znj. Drita Kuçi-Kastrati veprimtare e çështjes Kombëtare.

Një minutë heshtje

z.Leonard Lolluni, e qes në votim rendin e ditës të propozuar për mbledhjen e sotit, kush është për,?Për 14 vota, kundër 0 vota dhe abstenim 0 vota, konstatoi se rendi i ditës u miratua.

1. Shqyrtimi dhe Miratimi i Procesverbalit nga mbledhja e kaluar,

z.Leonard Lolluni, kërkesë nuk ka, e qes në votim procesverbalin nga mbledhja e kaluar kush është për? Për 14 vota, kundër 0 vota dhe abstenim 0 vota, konstatoi se procesverbali i mbledhjes së muajit prill 2026 u miratua.

2. Informatë mbi Zhvillimin e Turizmit në Komunën e Junikut,

Informatën e filloj z.Tafë Tofaj-Ud i Drejtorit në DZHE, i cili pasi që i përshëndeti të gjithë, fjalën e kaloi te zyrtarja për Turizëm në Komunën e Junikut znj.Shqipdona Shehu, e cila fillimisht i përshëndeti të gjithë më pas e informoi kuvendin mbi zhvillimin e turizmit në komunën e Junikut.

z.Jetmir Tofaj, faleminderit për këto informata, znj.Shqipdona Shehu, por mua po më intereson a është titulli i juaj zyrtarë për turizëm në Komunën e Junikut/

z.Tafë Tofaj, znj.Shqipdona Shehu, është në kuadër të Drejtorisë së Zhvillimit Ekonomik, është e punësuar në qendrën informative për Turizëm.

z.Jetmir Tofaj, në një rën nga pikat që na informuat, that se investimi më i rëndësishme ifrastrukturore që ka përfunduar mbrenda vitit 2025 është asfaltimi i rrugës Junik-“Gropa e Erenikut”, është e vërtetë se ky projekt ka mbërritur deri në “Gropën e Erenikut” por ende është i pa përfunduar si projekt, nëse ka përfunduar a ka pasur pranim teknik të këtij projekti.

z.Demokrat Ganijaj, përshëndetje për të gjithë, fillimisht e shfrytëzoj rastin që të ju uroj festën e Kurban Bajramit të gjithëve, sa i përket projektit të rrugës Junik-Gjeravicë, është kryer vetëm asfaltimi, por janë edhe disa punime që duhen të zhvillohen, projekti ka afat deri në fund vitit të përfundoj, për momentin në “Gropë të Erenikut” është duke u punuar ura. e gjatë rrugës janë duke u vendosur anësoret e sigurisë.

3. Informatë lidhur me Qarkoren Buxhetore 2027/29,

Informatë lidhur me qarkoren buxhetore 2027-29 e bëri znj.Ardita Hoxha UD- drejtori në DBF, e cila fillimisht i përshëndeti të gjithë më pas e informoj kuvendin lidhur me qarkoren buxhetore 2027-29.

z.Shpejtim Gacaferi, përshëndetje për të gjithë, si material na edhe pak me vonesë, por si do qoftë nuk benë me u ankuar, kur ka kaluar korniza afatmesme buxhetore këtu në kuvend për vitin 2025, parashikimi buxhetor për 2026-2028, ku ka qenë për vitin 2027 ka qenë rreth 100000€ buxheti me i vogël, ndërsa në informatë që u tha sot na thuhet se buxheti për vitin 2027 është i njëjtë, dhe ky fakt më gëzoj sepse buxheti duhet të rritet për çdo vit e jo të zvogëlohet.

z.Arten Hamza-Zyrtar i lartë për Buxhet- përshëndetje për të gjithë, sa i përket qarkores buxhetore është e vërtetë se kjo ka qenë në vitin e kaluar, dhe nëse e shikoni parashikimin nga viti 2028 nga viti pasues prap ka një zbritje, me arsyetim të hyrjes në fuqi i ligjit për regjistrimin e popullsisë dhe Komunës së Junikut se bashku me disa komuna tjera të mëdha i përgjishëm është ulur për shkak të numrit të popullsisë, por edhe këtë vit ministria e financave e ka marrë një vendim dhe e ka futur në qarkore buxhetore që ta mbulojë këtë diferencë.

z.Jetmir Tofaj, ajo që po më intereson është programi komunal i investimeve publike, ku disa gjana po duken të pakuptimta, për këtë arsye po kërkoj sqarim shtesë, tek pika 24. Ndërtimi i shtegut të shëndetit parkut të qytetit dhe “Moronica”, cili është parku i qytetit a nuk është “Moronica”? Parku i qytetit apo bëhet fjalë për diçka tjetër?! Pika 31. Blerja e ambulancës me paisje mjekësore, a nuk keni pranuar një donacion prej ministrisë së shëndetësisë?

znj.Ardita Hoxha, me duhet me ndërhy, para se të shkoni në pyetjen e radhës, këtu ka një gabim këtë, kjo që je duke e theksuar qëndron në qarkoren buxhetore 2025-2028, e qarkoren buxhetore jemi ka e diskutojmë do ta keni të plotë në muajin qershor për shqyrtim.

z.Arten Hamza, u cek nga drejtoresha se faza e planifikimit të buxhetit fillon me qarkoren e parë buxhetore e cila leshohet nga ministria e financave, ne sa po e kemi marrë qarkoren, kryetari i komunës e ka formuar një grup punues me vendim, ku kryesues i ati krupë jamë unë, janë të përfshira të gjitha drejtoritë në planifikim të buxhetit, kemi filluar fazën e planifikimit, si grup punues e kemi planifikuar edhe orarin e ndëgjimeve publike, ku i kemi paraparë të njëjta ndëgjimet publike si në vitin e kaluar, jemi në fazën fillestare dhe ju kisha inkuruar që edhe ju

të kontribuoni qoftë si anëtarë të kuvendit por edhe të ndikoni tek qytatarët që të marrin pjesë sa më shumë në këto ndëgjime publike, por edhe në kërkesat që ju i keni dhe propozimet për me e pasuruar kronizen buxhetore.

4. Njoftim mbi Raportin e Përformancën për vitin 2024,

Njoftimin mbi raportin e performancës për vitin 2024 e bëri z.Rrustem Pepshi- koordinatori i grupit punës për performancë, i cili fillimisht i përshëndeti të gjithë më pas e njoftoi kuvendin mbi raportin e performancës për vitin 2024.

z.Jetmir Tofaj, unë e kam një vërejtje të materiali që po e pranojmë, kur po hymë me i lexuar është e pamundur sepse skanimi i dokumentit është shumë i dobët, dhe po e kemi të vështirë dhe të pa qartë se çka kemi pranuar si material, dhe unë ju kisha lutur që herave tjera të kemi material më të lexueshëm dhe më të qartë se çka përmbanë materiali.

z.Rrustem Pepshi, zakonisht kur po ka materiale shumë faqe, po duhet me kompresuar materialin sepse nuk po mundemi me e dërguar materialin me email, sepse email nuk por lejon material mbi 10 megabajt të dërgohen dhe për këtë arsye materiali po e humb kualitetin

5. Raporti i Planit të Integritetit,

Raportin e bëri z.Rrustem Pepshi koordinatori për integritet.

Prap u theksua kualiteti i materialit

6. Shqyrtimi dhe Miratimi i Inicimit të Procedurave për Plotësim-Ndryshimin e Rregullores për Kushte, Kriteret dhe Procedurat e Ndajes së Subvencioneve

Sqarimin dhe arsyetimin e kësaj pike e bëri Nënkryetari i Komunes së Junikut, z.Besart Tofaj, i cili fillimisht i përshëndeti të gjithë më pas e sqaroi dhe e arsyetoi para anëtarëve të kuvendit inicimin e procedurave për plotësim ndryshimin e rregullores për kushte, kriteret dhe procedurat për ndarjen e subvencioneve.

z.Leonard Lolluni, kërkesë nuk ka, e qes në votim inicimin e procedurave për plotësim ndryshim të rregullores për kushte, kriteret dhe procedurat e ndarjes së subvencioneve, kush është për? Për 14 vota, kundër 0, vota dhe abstenim 0 vota, konstatoi se inicimi i procedurave për plotësim- ndryshim të rregullores për kushte, kriteret dhe procedurat të ndarjes së subvencioneve u miratua.

7. Të ndryshme

z.Jetmir Tofaj, me datë 21.05 e kishim përvjetorin e Kuvendi të Junikut, dhe mua me intereson se pse nuk kishte asnjë shkrim për këtë përvjetorë, as nga Komuna e Junikut por as nga kryetari i

Komunës, asnjë aktivitet, kur dihet se është një prej ngjarjeve më të mëdha të historisë së Junikut, ngjarje që duhet të mburret secili prej nesh, dhe njëkohsisht e kam si propozim që nëse është e mundur që në vitet në vijim të futet si ngjarje në orët mësimore si sqarim nga mësimdhënësit në orën e parë në secilin përvjetor.

z.Burim Kuçi, përshëndetje për të gjithë, unë i kamë disa çeshtje, çeshtja e parë është te xhamija këtu në qendër, devijimi në rrugën kryesore është duke shkaktuar rrezikshmëri, a do të ndërmermni diçka që kjo të përmirsohet nëse po kur do të përmirësohet, çeshtja e dytë ka të bëjë me zyrtarët komunal, gjatë mandatit të AAK, shumë zyrtar me shumë i shinin në kafe, se sa në vendin e punës, dhe në mandatin tuaj të parë u pata gëzuar se patet fituar se thoja do të ndërmermni masa, por tash jemi në mandatin e dytë dhe këta zyrtarë ende janë në avazin e vjetër, dhe unë po e ndjej veten shumë keq kur po i shohë ka dy tri orë në kafe, nëse nuk ndërmer masa ti si kryetar i Komunës unë do ti thërras mediat dhe nga e Hena deri te Premten do ti filmojnë këta zyrtarë.

Z Jetmir Tofaj, çeshtjet e mija kanë të bëjnë me disa projekte , tani kemi përvjetorin e të rënëve në “Zharre” dhe unë do pyes se a do të jetë rruga e gatshme për të shkuar që ti nderojmë këta Heronjë, dhe dy shqetësime të banorëve, njeri ka të bëjë me murin mbrojtës këtu afër të Kontrolla Teknike të shtëpia e z.Valdet Gaxherri, dhe shqetësimi tjetër i qytetarëve ka të bëjë me rrugën drejtë “Qestajve” të epërme, një pjese e rrugës është duke rrëshqitur.

z.Burim Kuçi, meqë jemi në pikën të ndryshme unë prap e ngriti si shqetësim rrjetin publik të ndriqimit në lagjen “Berishë”, kur do të ndërmermni masa?

z.Demokrat Ganiqaj, ndriqimi publik në lagjen “Berishë” mbrenda javësh do të përfundoj, për këtë zotohem.

z.Aldi Gacaferi, përshëndetje për të gjithë, drejtor kisha dashtë të zotohi edhe për ndriqim në qendër të Junikut pas që po u përfundojkan gjatë javës.

z.Zenun Shala, përshëndetje për të gjithë, sa i përket rrugës për në “Zharre” në nga java e ardhshme do të fillojmë me riparimin e kësaj rruge, në tender është qitur nga viti i kaluar ka qenë tender dy vjeçar dhe kjo rrugë do të përfundoj deri me 28 Korrik, ndërsa sa i përket murit mbrojtës, edhe kjo është në tender nga viti i kaluar, mirë por në mungesë të mjeteve të cilat i ka marrë kontrata Kolektive

z.Leonard Llojuni, e shpalli të mbyllur mbledhjen e Majit 2026.

Procesmbajtësi:
z. Esat Hoxha

Kryesuesi i Kuvendit
z. Leonard Llojuni